

PROXECTO COPA GALEGA DE CLUBES DE NATACIÓN ALEVÍN

Tempada 2015 - 2016. Circular 15-17.

1.- ORGANIZACIÓN, DATAS E SEDES

1.1.- Celebrarase a nivel rexional en dúas xornadas cunha sesión de tarde na primeira xornada e dúas, de mañá e de tarde, na segunda xornada.

1.2.- As datas e sede serán as establecidas no calendario de natación para a presente tempada.

1.3.- As sesións de mañá darán comezo ás 10:00 horas e as de tarde ás 17:00 horas.

1.4.- A piscina deberá estar a disposición dos equipos participantes polo menos dúas horas antes do inicio de cada sesión e media hora despois da súa finalización, así como a mañá da 1ª xornada previa solicitude dos clubs interesados ao club organizador. Os nadadores teñen dereito a realizar o quecemento até 10 minutos antes de que comece a sesión.

2.- PROGRAMA DE PROBAS*

Xornada 1		Xornada 2	
Sesión de mañá	Sesión de tarde	Sesión de mañá	Sesión de tarde
	1. 200 libres mas 2. 200 libres fem 3. 100 costas mas 4. 100 costas fem 5. 400 estilos ind fem 6. 100 bolboreta mas 7. 100 bolboreta fem 8. 1500 libre mas 9. 4x200 libre fem 10. 4x100 libre mas	11. 200 bolboreta mas 12. 200 bolboreta fem 13. 100 braza masc 14. 100 braza fem 15. 400 estilos ind mas 16. 200 costas fem 17. 200 costas mas 18. 800 libre fem 19. 4x200 libres mas 20. 4x100 libres fem	21. 100 libre mas 22. 100 libre fem 23. 200 braza mas 24. 200 braza fem 25. 200 estilos ind mas 26. 200 estilos ind fem 27. 400 libre mas 28. 400 libre fem 29. 4x100 estilos mas 30. 4x100 estilos fem

* O programa de probas poderá modificarse en función do programa establecido para o Cto. de España de Natación por Seleccións Autonómicas categoría Idade Escolar - CSD

3.- PARTICIPACIÓN

3.1.- A presente normativa está destinada ás categorías:

Masculina: nacidos 2002 - 2003

Feminina: nacidas 2003 - 2004

3.2.- A participación está aberta a todos os nadadores das categorías sinaladas neste regulamento e que teñan acreditada a marca mínima. Os clubs que teñan menos de 4 nadadores con mínima en probas individuais, poderán completar ata 4 nadadores en total sen mínima. Os nadadores sen mínima poderán ser inscritos unicamente nunha proba.

3.3.- Cada nadador poderá participar como máximo en catro probas individuais e en todas as remudas.

3.4.- Cada clube poderá inscribir un máximo de dous nadadores por proba.

3.5.- Cada clube poderá inscribir un só equipo de remudas por proba e categoría sempre que teña acreditada a marca mínima, ben por suma de tempos de 4 nadadores en probas individuais, ou realizada nunha remuda con nadadores comprendidos nas categorías de referencia.

3.6.- Un nadador que non participe nunha proba para a que estea inscrito non poderá participar en ningunha outra na mesma sesión, agás se fose dado de baixa, segundo as normas do Art. 9 do libro IV do Regulamento Xeral da FEGAN.

4.-INSCRICIÓN

4.1.- Realizaranse a través do ISIS e a acta de preinscrición que o propio programa xera en formato PDF será remitida á Federación por correo electrónico (inscricions@fegan.org). Xunto co devandito arquivo remitirase, no mesmo correo, o comprobante do pago da inscrición.

4.2.- As inscricións para o campionato deberán obrar en poder da FEGAN 15 días antes do comezo da competición, cadrando este día a venres, sendo responsabilidade do club que realiza a inscrición asegurarse de que foi recibida pola FEGAN.

4.3.- Deberán inscribirse tamén os nadadores que participen só en remudas, remitindo o impreso correspondente xunto coa citada acta de preinscrición.

4.4.- Os nadadores con discapacidade realizarán a inscrición segundo o Anexo II da presente normativa.

5.- FÓRMULA DE COMPETICIÓN

5.1.- Todas as probas serán disputadas contra o reloxo.

5.2.- Puntuarán os 16 primeiros clasificados de cada proba individual/remuda. As puntuacións nas probas individuais serán: 19, 16, 14, 13, 12, 11, 10, 9, 8, 7, 6, 5, 4, 3, 2, 1.

A puntuación nas probas de remudas será: 38, 32, 28, 26, 24, 22, 20, 18, 16, 14, 12, 10, 8, 6, 4, 2.

6.- CLASIFICACIÓN

6.1- Faranse as seguintes clasificacións:

Total conxunta. Será necesario ter competido en ámbalas categorías, aínda cando non se obtivese puntuación nunha delas. O club que obteña maior puntuación será proclamado Campión da Copa Galega de Clubes de Natación Alevín.

7.- TÍTULOS E PREMIOS

7.1.- Entregaranse trofeos aos tres primeiros clubs clasificados, e medallas a todos os compoñentes dos tres primeiros clubs en cada unha das clasificacións.

8.- MARCAS MÍNIMAS

8.1.- Serán as indicadas na circular de marcas mínimas para a presente tempada para as categorías referidas ao presente campionato.

8.3.- Os tempos deberán ter sido acreditados a partir do 3 de xullo de 2015.

A Coruña,
Secretaría Xeral FEGAN